



## NJOFTIMI PER STUDENTËT MASTER SHKENCOR/PROFESIONAL QË PËRFITOJNË REDUKTIM TË TARIFËS SË SHKOLLIMIT

### NJOFTIM

**PËR DOKUMENTACIONIN QË DUHET TË DORËZOJNË KATEGORITË E STUDENTËVE TË CIKLIT TË DYTË TË STUDIMEVE ( MASTER SHKENCOR DHE MASTER PROFESIONAL) QË PLOTËSOJNË KRITERET PËR ULJE TË TARIFËS VJETORE TË STUDIMEVE**

Bazuar në V.K.M Nr. 780, dt. 26.12.2018, dokumentacioni që duhet të dorëzojnë studentët e kategorive sociale në ciklin e dytë ( Master Shkencor dhe Master Profesional) për të përfituar ulje të tarifës vjetore të studimit është si vijon:

**1/ a ) Studentët me aftësi të kufizuara, të vërtetuar me vendim të Komisionit Mjekësor të Caktimit të Aftësisë për Punë, Studentë që nuk shikojnë ( Verbër)/ tetraplegjikë/ paraplegjikë/ me aftësi të kufizuar )**

a) Fotokopje të noterizuar të Vërtetimit të K.M.P.V-së ( Komisionit të përcaktimit të verbërisë) ose të Vërtetimit të K.M.C.A.P-së ( Komisionit të caktimit të aftësisë për punë)

a) Vërtetimi origjinal nga njësia e vetëqeverisjes vendore për masën e pagesës së verbërisë/ paaftësisë që merr studenti;

b) Vërtetimi nga shoqata e të verbërve të Shqipërisë ose nga shoqata përkatëse;

c) Fotokopje e noterizuar e Librezës së Verbërisë/ Fotokopje e noterizuar e statusit të paraplegjikut/ teraplegjikut;

d) Çertifikatë Familjare dhe fotokopje e kartës së identitetit të studentit;

**1/a) Studentët fëmijë të personave/familjes me aftësi të kufizuara, të vërtetuar me vendim të KMCA-së për punë, familjet e të cilëve trajtohen/përfitojnë nga ligji**



**nr. 9355, datë 10.3.2005, “Për ndihmën dhe shërbimet shoqërore”, të ndryshuar, ndihmë ekonomike të plotë apo të pjesshme nga njësitë e vetëqeverisjes vendore;**

- a) Kopje origjinale ose e noterizuar e Vërtetimit të KMCAP-së ( Komsionit të caktimit të aftësisë për punë) për studentin me prindër me aftësi të kufizuar ( invalid pune, invalid paraplegjik, invalid tetraplegjik );
- b) Vërtetim që lëshon shoqata e invalidëve të punës së rrethit përkatës së bashku me fotokopjen me vulë të njomë të Dëshmisë së Invalidit të Punës të përfituar sipas statusit të invalidit të punës;
- c) Vërtetim origjinal të institutit të sigurimeve shoqërore për pagesën e pensionit të invaliditetit;
- d) Vërtetim nga njësia e vetëqeverisjes vendore **për masën e ndihmës ekonomike të plotë apo të pjesshme që përfiton familja e studentit;**
- e) Çertifikatë Familjare që vërteton lidhjen e studentit me invalidin e punës/ invalidin paraplegjik ose tetraplegjik;
- f) Fotokopje të kartës së identitetit të studentit dhe të prindit invalid;

**1/b Studentët, familjet e të cilëve trajtohen /përfitojnë ndihmë ekonomike të plotë apo të pjesshme nga njësitë bazë të vetëqeverisjes vendore,**

- a) **Çertifikatë Familjare** që vërteton lidhjen e studentit me kryefamiljarin familja e të cilit përfiton ndihmë ekonomike të plotë apo të pjesshme nga njësitë e vetëqeverisjes vendore;
- b) Vërtetim nga njësia e vetëqeverisjes vendore në lidhje me masën e ndihmës ekonomike që përfiton familja. Vërtetimi i ndihmës ekonomike duhet të ketë të shënuar **numrin e dosjes** dhe të jetë shënuar qartë **shuma e ndihmës ekonomike (me shifra dhe me fjalë)**, si dhe **masa e ndihmës ekonomike (e plotë ose e pjesshme)**. Vërtetimi duhet të jetë me numër protokollit, të jetë nënshkruar nga përgjegjësi i seksionit të ndihmës ekonomike dhe kryetari i njësisë së vetëqeverisjes vendore dhe të jetë i vulosur. Nuk pranohen vërtetime me korrigjime të pafirmosura nga personat përgjegjës dhe të pavulosura.
- c) Fotokopje të kartës së identitetit të studentit;



**1/b) studentëve deri në moshën 25 vjeç, që kanë vetëm njërin nga prindërit, pasi prindi tjetër është ndarë nga jeta, me të ardhura vjetore të familjes të pamjaftueshme për përballimin e kostos së studimeve;**

a) Çertifikatë Familjare dhe fotokopje e kartës së identitetit;

b) Certifikatë vdekjeje e prindit që u është ndarë nga jeta ;

c) **Vërtetime që vërtetojnë të ardhurat vjetore të familjes, si më poshtë:**

**1- Vërtetim nga njësia e vetëqeverisjes vendore që familja përfiton ndihmë ekonomike si familje në nevojë;**

2- Vërtetimi nga Drejtoria Rajonale e Tatimeve që asnjë nga familjarët e studentit ( personat mbi 18 vjeç) nuk ushtrojnë aktivitet privat;

3- Vërtetime nëse prindërit apo ndonjë pjesëtar i familjes mbi 18 vjeç janë të rregjistruar si punëkërkuar të papunë (nga zyra e punës);

4- Vërtetim familjarisht nga Instituti i Sigurimeve Shoqërore (nëse përfitojnë pension ose jo).

5- Vërtetim nëse familjarët kanë tokë ose pasuri të palujtshme fitimprurëse në pronësi;

**1/ c) Studentët, që kanë përfituar statusin e jetimit, deri në moshën 25 vjeç;**

a) Çertifikatë Familjare;

b) Fotokopje e kartës së identitetit;

c) Certifikatën e vdekjes së dy prindërve;

d) Fotokopje e noterizuar e statusit të jetimit të përfituar nga Ministria e Mirëqënies Sociale dhe Rinisë;

**1/ ç) Studentët deri në moshën 25 vjeç, që kanë humbur kujdestarinë prindërore me vendim gjykate të formës së prerë;**

**Rasti kur studenti e ka humbur përgjegjësinë prindërore nga të dy prindërit;**

1. Çertifikatë Familjare dhe fotokopje e kartës së identitetit;

2. Vendim gjykate i formës së prerë që studenti ka humbur përgjegjësinë prindërore ( nga të dy prindërit) ( Kopje origjinale ose kopje e noterizuar e vendimit të gjykatës)

**Rasti kur studenti e ka humbur përgjegjësinë prindërore nga njëri prind dhe prindi tjetër nuk jeton;**



1. Çertifikatë Familjare dhe fotokopje e kartës së identitetit;
2. Vendim gjykatë i formës së prerë që studenti ka humbur përgjegjësinë prindërore ( nga njëri prind) ( Kopje origjinale ose kopje e noterizuar e vendimit të gjykatës)
3. Certifikatë vdekjeje e prindit tjetër;

**1/d ) Studentët deri në moshën 25 vjeç, që janë identifikuar si viktime të trafikut të qenieve njerëzore dhe kanë përfituar statusin ligjor për trajtim si viktime të trafikut të qenieve njerëzore;**

- a) Çertifikatë Familjare dhe fotokopje e kartës së identitetit;
- b) Vërtetim nga Ministria e Mirëqënies Sociale ose Ministria e Brendshme që kanë përfituar statusin ligjor për trajtim si viktime të trafikut të qenieve njerëzore;

**1/ dh) Studentët fëmijë të punonjësve të Policisë së Shtetit, të Gardës së Republikës, të Shërbimit të Kontrollit të Brendshëm, të Policisë së Mbrojtjes nga Zjarri dhe të Shpëtimit, të Forcave të Armatosura, të Shërbimit Informativ Shtetëror dhe të Policisë së Burgjeve, që kanë humbur jetën në krye dhe për shkak të detyrës, të konfirmuar nga ministria përgjegjëse për punët e brendshme dhe ajo e mbrojtjes;**

- a) Çertifikatë Familjare dhe fotokopje e kartës së identitetit;
- b) Çertifikatë vdekjeje e prindit që ka humbur jetën në krye dhe për shkak të detyrës;
- c) Vërtetim konfirmimi nga Ministria përkatëse;

**1/e) Studentët romë dhe ballkano-egjiptianët, të konfirmuar si të tillë nga ministria përgjegjëse për mirëqenien sociale;**

- a) Fotokopje e kartës së identitetit;
- b)
- b) Vërtetim anëtarësie në shoqatën përkatëse;
- c) Vërtetim konfirmimi nga Ministria përgjegjëse për mbrojtjen sociale;

**1/ë) Studentët fëmijë të ish-të dënuarve dhe të përndjekurve politikë nga sistemi komunist ose fëmijë me prindër të dënuar politikë me heqje lirie;**



- a) Çertifikatë Familjare që vërteton lidhjen e studentit me prindin të ish-të dënuarve dhe të përndjekurve politikë nga sistemi komunist ose fëmijë me prindër të dënuar politikë me heqje lirie;
- b) Vërtetimi i statusit të prindit ish të përndjekur/ dënuar politik;
- c) Dëshmi penaliteti për prindin ish të përndjekur politik ose vërtetim për kohën e dënimit të lëshuar nga ministria e punëve të brendshme.

**Përvec kategorive sociale më sipër përfitojnë ulje të tarifës vjetore të shkollimit sipas V.K.M Nr. 780, dt. 26.12.2018 edhe studentët, konkretisht si vijon:**

- e) Studentët që fillojnë vitin e parë të ciklit të dytë të studimeve në institucionet publike të arsimit të lartë dhe që kanë përfunduar ciklin e parë të studimeve në institucionet publike të arsimit të lartë me notën mesatare vjetore 9 (nëntë) deri në 10 (dhjetë);
- f) Studentët që rezultojnë me notën mesatare vjetore 9 (nëntë) deri në 10 (dhjetë), të regjistruar në vitin e parë pas të parit dhe që kanë shlyer të gjitha detyrimet akademike të parashikuara për vitin akademik paraardhës.

Këta studentë që ndjekin studimet e ciklit të dytë Master shkencor ose profesional me notë mesatare 9-10 nuk do të paraqesin asnjë dokumentacion, pasi listat e këtyre studentëve në bazë të notës mesatare përkatëse do të përgatiten nga vetë insitucioni (sekretaria mësimore) dhe do të përcillen për miratim në Bordin e Administrimit.



## DOKUMENTACIONI DORËZOHET:

1. Dorëzimi i dokumentacionit do të bëhet nëpërmjet shërbimit postar në adresën:

Fakulteti i Teknologjisë së Informacionit  
Sheshi “Nënë Tereza”,  
Nr.1, Tiranë

2. Dokumentacioni mund të dorëzohet edhe pranë zyrës së financës nga e hënë - e premte, ora 12:00-14:00.
3. Bashkëlidhur gjeni kerkesen që do paraqesin studentët sipas kategorive.
4. Dokumentacioni të jetë origjinal ose i noterizuar (përveç dokumentacionit të marrë nga e-albania).
5. **Afati i aplikimit për reduktim tarife për studentët që ndjekin studimet në një program të ciklit të dytë të studimeve është brenda muajit dhjetor 2022.**



## KËRKESË

### PËR REDUKTIMIN E TARIFËS SË SHKOLLIMIT VITI AKADEMIK 2022- 2023

*Drejtuar: Fakultetit te Teknologjise se Informacionit*

Unë \_\_\_\_\_, student i ciklit të dytë, Master Shkencor / Master Profesional, Dega \_\_\_\_\_viti \_\_\_\_\_, paraqes këtë kërkesë për të përfituar reduktim të tarifës për vitin akademik 2022- 2023, pasi jam student që i takoj kategorisë sociale \_\_\_\_\_

\_\_\_\_\_  
Studenti( Emër atësi mbiemër) dhe nënshkrimi

Telefon: \_\_\_\_\_

Email: \_\_\_\_\_

#### **Shenim:**

*Kërkesa nuk është e vlefshme nëse nuk ka të bashkëngjitur të gjithë dokumentat që kërkohen në njoftim e publikuar nga ana e Fakultetit të Teknologjise se Informacionit, sipas kategorisë përkatëse sociale*